

CYNGOR SIR

Cofnodion o gyfarfod o'r Cyngor Sir a gynhaliwyd yn Siambr y Cyngor, Neuadd y Sir, Rhuthun ar Ddydd Mawrth, 10 Ionawr 2012 am 11.30 y.b.

PRESENNOL

Cynghorwyr Ian Armstrong, Raymond Bartley, John Bellis, Brian Blakeley, Joan Butterfield, June Cahill, Jeanette Chamberlain-Jones, William Cowie (Cadeirydd), Ann Davies, James Davies, Meirick Davies, Pauline Dobb, Michael Eckersley, Christine Evans, Gwilym Evans, Hugh Evans, Bobby Feeley, George Green, Ian Gunning, Diana Hannam, Colin Hughes, Rhys Hughes, Glyn Jones, Morfudd Jones, Gwyneth Kensler, Paul Marfleet, Lucy Morris, Peter Owen, Dewi Owens, Allan Pennington, Barbara Smith, David Smith, David Thomas, Selwyn Thomas, Julian Thompson-Hill a Cefyn Williams

YN BRESENNOL HEFYD

M Mehmet (Prif Weithredwr), B Jones (Cyfarwyddwr Corfforaethol: Trawsnewid Busnes ac Adfwyd), G Williams (Pennaeth Gwasanaethau Cyfreithiol a Democrataidd), S Cordiner (Prif Gyfreithiwr), a S Price (Rheolwr Gwasanaethau Democrataidd)

SYLWADAU'R CADEIRYDD

Estynnodd y Cadeirydd ei longyfarchiadau i'r Cynghorydd Hugh Evans, Arweinydd y Cyngor, ar dderbyn OBE yn rhestr anrhydeddau Blwyddyn Newydd y Frenhines am wasanaethau i lywodraeth leol. Ymatebodd y Cynghorydd Hughes trwy ddweud bod yr anrhydedd yn ganlyniad i'r modd yr oedd aelodau, y Prif Weithredwr a swyddogion eraill wedi cyd-weithio i wella gwasanaethau.

Estynnodd y Cadeirydd hefyd ei longyfarchiadau i Dîm Goleuo Stryd Sir Ddinbych ar eu llwyddiant diweddar gyda chynllun Gwobrau Rhagoriaeth y Gymdeithas Gwasanaethau Cyhoeddus Cenedlaethol (APSE).

DEISEB

Cyflwynodd y Cynghorydd Brian Blakeley ddeiseb yn erbyn cyflwyno mwy o rwystrau traffig ar Ffordd Trellewelyn, Rhyl. Derbyniodd y Cadeirydd y ddeiseb er sylw ac ymateb y Cyd-Bennaeth Priffyrdd a Seilwaith.

1 YMDDIHEURIADAU

Derbyniwyd ymddiheuriadau am absenoldeb oddi wrth y Cynghorwyr C Carl Davies, Neville Hughes, Rhiannon Hughes, David Lee, Eryl Williams a Jane Yorke

2 DATGAN BUDDIANNAU

Ni fynegwyd unrhyw fuddiannau.

3 MATERION BRYN FEL Y CYTUNWYD ARNYNT GAN Y CADEIRYDD

Ni chodwyd unrhyw faterion brys.

4 DYDDIADUR Y CADEIRYDD

Hysbyswyd yr aelodau bod dyddiadur y Cadeirydd wedi'i ddsbarthu.

5 COFNODION

Cyflwynwyd cofnodion y cyfarfod a gynhaliwyd ar 15 Tachwedd 2011. Nododd y Cynghorydd Gwilym Evans nad oedd yn bresennol yn y cyfarfod fel y nodwyd yn y cofnodion, a'i fod wedi anfon ei ymddiheuriadau.

Mewn perthynas â'r item Harbwr Foryd a drafodwyd ar 15 Tachwedd 2011, cytunwyd ar awgrym y Cynghorydd Rhys Hughes y dylid anfon gwybodaeth reolaidd i'r Cyngor ar ôl cyfarfodydd y Bwrdd Prosiect. Cyfeiriodd y Cynghorydd Colin Hughes at y Siarter gyda chynghorau tref a chymuned, a gofynnodd a allai'r Cyngor ystyried dyddiaduron cyfarfodydd cynghorau tref a chymuned wrth drefnu digwyddiadau cymunedol fel ymweliadau ymgeiswyr a chyfarfodydd aelodau ardal. Cytunodd y Cyfarwyddwr Corfforaethol: Trawsfurfiad Busnes ac Adfywiad i gysylltu â'r swyddogion perthnasol.

PENDERFYNWYD - yn amodol ar yr uchod, y dylid cadarnhau cofnodion cyfarfodydd a gynhaliwyd ar 15 Tachwedd 2011 a 24 Tachwedd 2111 fel cofnodion cywir, a'u llofnodi gan y Cadeirydd.

6 CEISIADAU I GOFRESTRU TIR A ELWIR 'Y PARC' GERLLAW Ffordd ELAN, RHYL FEL TIR GWYRDD PENTREF

Cyflwynodd y Prif Gyfreithiwr adroddiad mewn perthynas â dau gais i gofrestru tir a elwir Y Parc, gerllaw Ffordd Elan, Rhyl, gan roi amlinelliad o'r safle a'r ceisiadau. Rhoddodd y Pennaeth Gwasanaethau Cyfreithiol a Democritaidd wybodaeth ar y meini prawf cyfreithiol y mae'n rhaid i'r Cyngor eu dilyn wrth wneud penderfyniadau fel Awdurdod Cofrestru Tir Comin. Hysbyswyd y Cyngor nad oedd dymunoldeb ac ystyriaethau cynllunio yn weithredol.

Hysbyswyd y Cyngor bod ymchwiliad annibynnol anstatudol a gomisiynwyd gan y Cyngor i archwilio rhinweddau ceisiadau wedi argymhell gwrthod pob rhan o'r safle cais.

Siaradodd y Cynghorwyr Ian Gunning a Brian Blakeley ar ran y cais ar y sail bod ar drigolion eisiau diogelu a gwella'r tir ar gyfer defnydd agored, hamddenol; dyma nod y credent y dylai'r Cyngor ei gefnogi.

Trafododd aelodau:

- Os oedd y ceisiadau yn bodloni'r gofynion statudol ar gyfer cofrestru tir fel Tir Gwyrdd Pentref

- Dymunoldeb gwella a diogelu darpariaeth o ofod agored yn yr ardal
- Perchnogaeth y safle cais: yn rhannol dan berchnogaeth y Cyngor ac yn rhannol gan T Anwyl a'i Fab Cyf
- Yr amgylchiadau lle y gellid herio penderfyniad gan y Cyngor yn yr Uchel Lys drwy adolygiad barnwrol
- Opsiynau adolygu ar gael i'r Cyngor yn ôl ei bwerau i sicrhau darpariaeth o ofod agored
- Safbwyntiau'r trigolion

Gwnaethpwyd cais am gofnodi'r bleidlais a phasiwyd hynny, ond tynnwyd yn ôl cyn i'r bleidlais ddiwydd.

PENDERFYNWYD:

- (i) *Bod y Cyngor yn mabwysiadau argymhellion yr Arolygydd a benodwyd gan y Cyngor i wrthod dau gais, a dderbyniwyd gan y Cyngor, i gofrestru tir a elwir Y Parc, ger Ffordd Elan, Rhyl, fel Tir Gwyrdd Pentref;*
- (ii) *Gofyn i swyddogion ac aelodau lleol i gyfarfod gyda chynrychiolwyr y sawl a gyflwynodd y ceisiadau o fewn 28 diwrnod i drafod diogelu'r tir o fewn perchnogaeth y Cyngor ar gyfer darpariaeth gofod agored, a*
- (iii) *Gofyn i swyddogion adolygu'r pwerau statudol sydd ar gael i'r Cyngor mewn perthynas â'r tir cais sydd heb fod o fewn perchnogaeth y Cyngor gyda golwg ar sicrhau darpariaeth gofod agored.*

7 COMPACT AM NEWID RHWNG LLYWODRAETH CYMRU AC AWDURDODAU LLEOL

Agorodd Arweinydd y Cyngor, y Cynghorydd Hugh Evans, y drafodaeth ar Compact rhwng llywodraeth leol a llywodraeth Cymru yn nodi telerau perthynas newydd drwy gyd-weithio a gweithio partneriaeth i wella perfformiad, effeithlonrwydd a chanlyniadau i ddefnyddwyr gwasanaeth. Diolchodd y Cynghorydd Evans i'r grwpiau gwleidyddol am ganiatáu i'r Prif Weithredwr ac yntau drafod y Compact gyda hwy yn unigol. Dywedodd fod Sir Ddinbych mewn sefyllfa dda i lofnodi'r Compact a'i fod yn ystyried cydweithio fel un o'r ymagweddau allai ddiogelu gwasanaethau rheng-flaen. Ymhellach, byddai'r Compact yn egluro'r agenda cydweithredu i llywodraeth leol a llywodraeth wladol dros yr ychydig flynyddoedd nesaf, ond bod risg y gallai'r Cyngor wynebu cosbau ariannol ac ymyriadau gwleidyddol os nad oedd yn gwireddu'r disgwyliadau o fewn y Compact.

Rhoddodd y Prif Weithredwr adroddiad ar y tri phrosiect cydweithio mawr yr oedd y Cyngor eisoes yn eu cynnal o ran addysg, gwasanaethau cymdeithasol a 'gwasanaethau eraill' (gan gynnwys trin gwastraff, priffyrdd, TGCh a chaffael). Nododd y byddai'n rhaid i achosion busnes hyfyw ar gyfer gwelliannau ac arbedion effeithlonedd gael eu profi cyn y gallai unrhyw brosiectau cydweithio eraill ddatblygu y tu hwnt i'r cam adolygu.

Gwnaeth y Cynghorydd Barbara Smith ymholiadau ynghylch y cerrig milltir (dyddiadau cyflwyno) yn y Compact (rhai eisoes wedi mynd heibio), a gofynnodd y Cynghorydd Green os oedd y Compact yn gytundeb unochrog lle'r oedd yr holl

ddisgwyliadau yn syrthio ar yr awdurdod lleol. Nododd y Prif Weithredwr bod Llywodraeth Cymru wedi cadarnhau gydag ef mai cyfranogi oedd y ffactor allweddol, nid y cerrig milltir, gan gadarnhau bod rhai o'r cerrig milltir wedi pasio neu'n afrealistig. Roedd wedi gofyn i Lywodraeth Cymru nodi hyn yn ysgrifenedig. Dywedodd mai safbwynt Llywodraeth Cymru oedd eu bod wedi darparu setliad ariannol rhesymol i'r ychydig flynyddoedd nesaf a'u bod yn eu tro yn disgwyl gweld agenda'r Compact yn cael ei wireddu.

Codwyd materion eraill hefyd gan Aelodau sef:

- Bod angen ffyrdd newydd o ymgysylltu ag aelodau etholedig y tu hwnt i'r ffyrdd a ddarparwyd gan y byrddau cydweithio rhanbarthol
- Byddai holl awdurdodau lleol Gogledd Cymru yn ystyried a oeddynt am lofnodi'r Compact ai pheidio
- Bod y niferoedd gwahanol o gynghorwyr ar awdurdodau Gogledd Cymru yn golygu bod angen peirianwaith teg i sicrhau nad oedd aelodau etholedig Sir Ddinbych yn llai dylanwadol nag aelodau'r cynghorau eraill.

Cytunodd yr Arweinydd gyda datganiad y Cynghorydd Marfleet na ddylai Cymdeithas Llywodraeth Leol Cymru lofnodi cytundebau cyn ymgynghori ag awdurdodau lleol, a nododd ei fod wedi codi'r pwynt hwn gyda'r WLGA.

PENDERFYNWYD:

- (i) *Bod Aelodau'n cytuno y dylid llofnodi'r Compact;*
- (ii) *Bod Aelodau'n cytuno y bydd Sir Ddinbych yn chwarae rôl briodol o ran gweithredu'r ystod cyfan o drefniadau cydweithio a nodir yn y Compact, cyn belled:*
 - (a) *â bod gwelliannau gwasanaeth amlwg i drigolion Sir Ddinbych, neu*
 - (b) *bod arbedion o ran adnoddau a bod y model gwasanaeth newydd arfaethedig yn darparu gwasanaeth i drigolion Sir Ddinbych sydd o leiaf cystal â'r gwasanaeth y mae'n mynd i'w ddisodli..*

8 BLAEN-RAGLEN WAITH Y CYNGOR

Adroddodd y Pennaeth Gwasanaethau Cyfreithiol a Democrataidd bod angen cadarnhau lefelau Treth y Cyngor ar 28 Chwefror 2012 ynghyd ag adroddiad ar Strategaeth Rheoli'r Trysorlys. Bellach, nid oedd angen adroddiad ar y Cynllun Corfforaethol yn Ebrill 2012.

Cyfeiriodd y Cynghorydd Rhys Hughes at adroddiad ar 28 Chwefror ynghylch canllawiau cynllunio atodol ar y cyd ar Safle Treftadaeth Byd Pont Ddŵr a Chamlas Pontcysyllte. Nododd ei fod wedi deall y byddai'r eitem hon yn ymddangos gerbron y Pwyllgor Cynllunio cyn cael ei chyflwyno i'r Cyngor llawn. Cytunodd y Cyfarwyddwr Corfforaethol: Trawsnewid Busnes ac Effeithlonrwydd y byddai'n ceisio esboniad ar y mater hwn.

PENDERFYNWYD – *y dylid cymeradwyo blaen-raglen waith y Cyngor.*